

sacerdoti, juxta mensuram estimationemque peccati : qui orabit pro eo quod nesciens fecerit ; et dimittetur ei qui per errorem deliquit in Domino. Salomon quoque in dedicatione templi orans dicit : *Si quis cognoverit plagam cordis sui, et extenderit manus suas in domo hac, tu exaudies in loco habitationis tuae, et repropitiaberis.* Perpendat prudens fidelis, quam contrarium sit veritati divine consilium Amalarii, et quantum congruat suasioni diaboli.

XVIII. In libro quarto, capitulo ultimo, dicit Amalarius : « Nuperime monstratum est mihi, ut puto, ab eo qui quod aperit, nemo claudit, quid rationabiliter possit dici de corpore Domini positio in altari, et de calice ex latere ejus, salvo magisterio eorum qui alias et melius mihi volunt aperire, quomodo et quare aliter panis ponendus sit in altari, et calix juxta eum. Altare, crux Christi est, ab eo loco ubi scriptum est in canone : *Unde et memores sumus,*

A usque dum involvitur calix de sudario diaconi, vice Joseph, qui involvit corpus Domini sindone, et sudario. » Et post pauca : « Panis extensus super altare, corpus domini monstrat extensem in cruce, quod nos manducamus. Vinum et aqua in calice, monstrat sacramenta, quae de latere Christi in cruce fluxerunt, id est, sanguinem et aquam, quibus nos potat Dominus noster. »

XIX. Ad hæc verba Amalarii respondendum est : Si putat ab eo sibi demonstratum qui aperit et nemo claudit, cui subjungit, dicens : *Salvo magisterio eorum qui alias et melius mihi volunt aperire ?* Ubi item putat invenire qui melius illi possit, aperire quam Dominus, qui aperit, et nemo claudit ? Quare non est recordatus evangelicæ sententiae, quæ dicit : *B Ne vocemini magistri, quia magister vester unus est Christus.*

S. AGOBARDI CARMINA.

I.

• Epitaphium Caroli Magni imperatoris.

Aurea cœlorum postquam de Virgine Christus Sumpserat apta sibi mundi pro crimine membra, Jam decimus quartus post centies octo volabat Annus, fluctivagi meruit per servida cœli Ætherei Carolus, Francorum gloria gentis, Æquora transire, et placidum comprehendere portum. Qui deciesque quater per sex feliciter annos Sceptra tenens regni, et regno rex regna rejungens, Febru migravit quinto arii ex orbe Kalendas, Septuaginta senex vitæ qui terminat annos. Quapropter flagito, precibus si flecteris ullis, Quique bujus relegis versus epigrammata lector, Astriferam Caroli teneat, dic, spiritus arcem.

II.

• De translatione reliquiarum sanctorum martyrum Cypriani, Sperati, et Pantaleonis ad urbem Lugdunensem.

Rector magnificus plusque princeps, Augusto Carolus decore fultus, Sceptrum nobile Francorum regebat, Subjectos populos pie gubernans. Lectos æquora jusseral secare Ac jam propitio sibi tonante, Post multos nimiae viæ labores, Ligressu reduci salum petentes, Intrarunt Libyos repente fines : Quid Carthago gravi jacens ruina Deflet prieterita decus juventæ. Hic dum basilicas Deo dicatas

Et Christi subeunt veneranda templa, Cernunt ut tua, Cypriane martyr, Servaret loculus neglectus ossa. Tum vero nimio dolore moti, Et magno gemitu polum intuentes, Poscunt auxilium Dei perennis, Pro quo sancte tibi caput recisum est. Et mox poplitibus precando flexis, Pandunt sarcophagum, studentque sacros

C Artus stringere linteis paratis, Committantque sacro corpus locello. Sperati quoque martyris beati, Nec non Pantaleonis ossa raptim Tollunt cuncta simul, ligantque pannis. Concedunt celeres ratem paratam, Nec sævi metuunt pericla ponti.

Egressis Arelas opima portu Occurrit placido, sinuque læto Fessos excipit, ac sovet benigne. Hæc mox cum audiit optimus sacerdos, Lugduni placidam tenens cathedram, Sanctorum eximio calore flagrans, Intendensque sacris ubique rebus, Ledratus specimen decusque cleri,

D Orat, postulat, impetratque raptim, Ut sanctissima martyrum piorum Nostris mœnibus ossa conderentur, Lugduni ad placidam Joannis aram, Qui Christum vitrea rigavit unda. Ilic cum sociis honore claro Florens, inclite Cypriane dormis.

BALUZII NOTÆ.

• Epitaphium Caroli. Huic carmini nos titulum scimus, secuti auctoritatem Chronicorum Novaliciensis, in quo reperitur insertum : cuius etiam ope corrixius errata quæ irrepperant in editione Massoni.

• De translatione. Historia hujus translationis

existat in Martyrologio Adonis Viennensis, unde edita est inter Elogia. Sed posteriores quatuor et viginti versi, qui in superioribus editionibus desiderabantur, supplevimus ex editione Pamelii, qui illos edidit inter Prolegomena Operum sancti Cypriani.

Sed quæso vigiles, vigilque nostris
Intendas precibus; siasque nobis
Clemens et validus Dei patronus;
Solvas crimina, conferasque vota.
Sic, quæso, memor illa lingua nostri,
Quæ confessa Dei perenne verbum,
Cervicem gladio dedit secandam;
Sed Christum cecinit, silere nescit.
Hanc Christus Jugiter benignus audit,
De sacros populos stylo excitantem,
Haeresesve pravas, deosve falsos,
Verbi fulmine fanum cremantem.

A Hanc et pro populo et patrono nostro
Semper quæsumus audiat rogantem;
Pastorem soveat, gregem propaget;
Det munus fidei decus salutis.
O doctor sacer, o beate martyr,
Serva pontificem pius Agobardum,
Qui nomen, meritum, tuumque festum
Dictis extulit, et honore comxit.
O triplex honor, o triforme culmen!
O tres magnifici piique testes!
Sit nobis triplici o! favens precatu
B Pollens unica Trinitas per ævum.

ANNO DOMINI DCCCXL.

EGINHARDUS,

ABBAS.

NOTITIA HISTORICA IN EGINHARDUM

Ex Fabricio, Biblioth. med. et inf. Latinitatis.

Eginhardus, Eynardus, Einartus, Æginardus, Agenardus, Egvinarthus, Einhardus, Emchardus, Heinardus, Egnerius ^a, Germanus Oedenwaldensis, ^b cognomento *Sapiens* ^c, Carolo Magno anno 814 defuncto, cuius gener, archicapellanus, cancellarius et palati regalis notarius ^d fuit, per multos annos superstes, Lotharii Ludovici Pii filium instituit, variasque gessit abbatias, Blandinensem, Fontanelensem, S. Joannis Ticinensis, Gandensem, aliasque, defunctus post annum 840. Epitaphium ei possum a Rabano Mauro, legitur inter Rabani opera tomo VI, pag. 228. Plura de Eginhardo, præter editores ac præcipue C. V. Joannem Hermannum Schminckiu, Mabillonius sacc. iv Benedictin., parte 1; Joannes Weinskensius ^e in Navarchia Seligenstadiana et in Eginharto illustrato ac vindicato, Francof. 1714, fol.; Franciscus Dionysius Camusatius ad Bibliothecam Alphonsi Ciacconii ^f, et Nicolaus Hieronymus Gundlingius secundo tomo Otiorum, cap. 5.

Inter ejus scripta primum locum meretur *Vita Caroli Magni*, non minus accurate et fideliter scripta quam cultiore stylo, ita ut Suetonii et meliorum imitatorem scriptorum facile agnoscas. Edita primum in lucem est dicataque Carolo V imperatori a

^a Vide illustris Leibnitii Epistolas ad diversos, pag. 591.

^b D. Nicolai Hieronymi Gundlingii Otia, tom. II, pag. 302 seq.

^c Ita vocatur ab Odilone in historia translationis S. Sebastiani martyris.

^d D. Teulet, in sua editione Eginhardi Operum, quæ Parisiis duabus voluminibus in lucem prodidit an. 1840, negat Eginhardum Caroli Magni unquam fuisse generum, archicapellatum, cancellarium et palati regalis notarium, sed operum publicorum dum (chef des travaux publics). Consule, si placet Notitiam in Eginhardum tom. II editionis supradictæ, pag. v. EDIT.

C comite Hermanno a Nuenare, Colonie 1521, in-4^{cum} Annalibus ab anno 741 ad 829. Paucaque admodum sunt et a codicis ms. varietate profecta potius ^e, quæ aliter ille exhibet, quam ut interpolatoris sibi partes sumere, vel auctori suo fidem vel testimonium detrahere voluisse possit jure argui. Prodiit hinc in collectione antiquissima Historiorum Hervagiana, cuius notitiam hoc loco in gratiam lectoris subjungere liceat. Offeruntur igitur in illa: Witichindi Saxonis, monachi Benedictini, rerum ab Henrico et Ottone I imperatoribus gestarum libri III, una cum annotationibus in eundem, per Martinum Frechtum scriptis pag. 1. Vita Henrici IV imperatoris Augusti a quadam coætaneo scripta, pag. 55. Dicas Bavarie septem epistolæ, aliquot Henrici IV ad pontificem Romanum et alios principes, pag. 73. Conradi Vecerii, regii secretarii, libellus de rebus gestis imperatoris Henrici VII, pag. 84. Hermanni, comitis Nuenarii, brevis narratio de origine et sedibus prisorum Francorum, ad Carolum V Cæsarem, pag. 102. Vita et gesta Caroli Magni, Francorum regis fortissimi, et Germanie sue illustratoris imperatoris optime meriti, per Eginhardum, sive, ut alii habent, ^b Alcuinum conscripta pag. 107. Æneæ Sylvii, tit. S. Sabinæ cardinalis Senensis, de Bohem.

^e Acta Eruditorum, edita Germanice parte 26 et 27, tom. III, p. 143, 210.

^f Bibliothèque Raisonnée, tom. VII, pag. 114 seq.

^g Conser laudati Gundlingii Otia, tom. II, p. 213 seq.

^b Sunt nonnulli, inquit laudatus Schminckius, qui hanc Vitam Caroli Eginhardo adjudicant, et Alcuino tribuunt, ut ms. Cajogonvillense, Albericus monachus ad annum 770. Blondus, Petrarcha, etc. Sed in errorem deducti videntur, quod et Alcuinus res gestas Caroli conscripsit, ut doctissimus Duchesnius ex ms. Moissiacensi in fine hujus libri notavit, quos fetus ignorantiæ inter se permularunt ac confuderunt, tot enim extant mss. que Eginharti nomen preferunt, tot scriptores, qui in rebus Caroli